



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Libellvs De Angelo Cvstode R. P. Francisci Albertini Soc.  
Iesv Theologi**

**Albertini, Francesco**

**Coloniae Agrippinae, M.D.C.XIV**

Cap. 3. Vnicuique nostrum Assignatur ad custodiam aliquis Angelus.

[urn:nbn:de:hbz:466:1-46785](https://nbn-resolving.org/urn:nbn:de:hbz:466:1-46785)

## CAPVT III.

## VNICVIQVE NOSTRVM

*assignatur ad custodiam aliquis Angelus.*

*Vide P. Lud. de Ponte Med 34. part 6. De Angelis custodibus.*

*Basil 3. circa Eusebium.*

*Hier. in c. 18. Mat Naz orat in S. Ioā.*

*Bapt. Chrys hō 60 in Matth.*

*Theod. orat. 10.*

*Gr. Nyss. l. de vita Moysis.*

**N**ON suffecit Deo, commississe Angelis gubernationem vniuersi, & consequenter hominis, sed quo peculiarem de vnoquoque: homine sollicitudinem demonstraret, singulis vsque à principio natiuitatis suæ deputauit proprium Angelum custodem, cuius beneficio promoueremur ad bonum, & à malo retraheremur, sic præter Theologos omnes Patres sentiunt, vt videre est signanter in Sanctis Basilio, Hieronymo, Gregorio Nazianzeno, Ioanne Chrysofomo, Theodoro, Nysseno & alijs. Neq; verò inquit Basilius, huic veritati ab aliquo contradici potest; manifesta enim sunt verba Domini apud Matthæum, *Ne cōtemnatis vnum de pusillis istis, nam Angeli eorum semper vident faciem patris mei qui in calis est,* tanquam

CUSTODE. CAP. III. 17

quam diceret; de scandalis ac dam-  
nis, quæ pauperes à potentibus su-  
stinent, proprij ipsorum Angeli  
coram tribunali diuinæ Iustitiæ cõ-  
queruntur. Recepta autem fuit hæc  
veritas vsque ab exordio primiti-  
uæ Ecclesiæ, nam in Actis Apo-  
stolorum legimus, S Petrum post-  
quã liberatus fuisset è carcere; tetē-  
disse ad domum Marię matris Mar-  
ci, vbi cæteri Apostoli ac discipuli  
Christi congregati vacabãt oratio-  
ni, & pulsato ostio dixisse se Petrũ  
esse. At non credentes verbis ipsius  
discipulos, vt qui probè nouerant  
quã solidis cætenis in carcere cõ-  
stringeretur, dixisse ad inuicem  
*Angelus eius est.* Quid de gentilibus  
referam, qui effectus quosdam for-  
tuitos, dictos à philosophis casus  
contingentes, considerantes, cum  
naturalem eorem rationem inuesti-  
gare non possent, Angelis illos tri-  
buebant, quos profano vocabulo  
nominare consueuerant Lares, id  
est Deos particulares domorũ; &  
Geniosi. protectores personarum  
sua-

18. 2.

*Senec. E-* suarum. Et Seneca in Epistola qua-  
*pist 3.* dam docet, vnicuique homini assi-  
*Hier. in* stere Deum suum Poedagogum, ab  
*sap. 18.* eoque illum in omnibus ætionibus  
*Matth.* erudiri. Vnde non sine graui cau-  
 sa exclamat Diuus Hieronymus,  
 dicens, Vide ô homo, quanta sit  
 dignitas animæ, & quanti eam æ-  
 stimet ipse Deus, qui à momento  
 natiuitatis tuæ assignatum tibi de  
 cælo voluit custodem Angelum, &  
 hunc tantæ potentæ, vt citiùs icu  
 oculi possit vniuersum Mundum  
*Apo. 19.* inuertere. tantæ maiestatis, vt San-  
 ctus Ioannes tametsi cum Christo-  
 met familiariter conuersari sole-  
 ret, ad conspectum Angeli prouo-  
 lueretur in terram, eum adoratu-  
 rus, tam inexplicabili scilicet vul-  
 tus ipsius dignitate & claritudine  
 coruscabat. Et tamen ô homo, hic  
 Angelus tam potens, tam splendi-  
 dus ac venerandus, abs Deo tibi in-  
 tutorem adiungitur. Amplius di-  
 cam cum Sancto Basilio, adiunctus  
*Basil. loc.* est tanquam poedagogus; imò vero  
*ca.* cum Apostolo vt loquatur, velut  
 mini-

CUSTODE. CAP. III. 19

minister, *Omnes*, inquit ille, *administratorij spiritus*, Hinc ansam *Bernar.*  
sumit exclamandi Sanctus Bernar- *Psal. 99.*  
dus in explanatione sequentis ver-  
ficuli Psalmi nonagesimi noni, *An-*  
*gelis suis mandavit de te. Mira di-*  
*gnatio, & verè magna dilectio cha-*  
*ritatis, quis enim, quibus, de quo, quid*  
*mandavit?* ac si diceret: destina-  
uit nobilissimam creaturam ad fer-  
uiendum homini terreno forma-  
to ex luto: fidelissimum amicum  
ad custodiendum hostem; poten-  
tissimum defensorem ad protegen-  
dam imbecillitatem Naturæ hu-  
manæ. Neque in dubium reuocari *De Ange-*  
potest, vtrum tot numero Ange- *lorum nu-*  
li sint, vt ad singulorum hominum *mera.*  
custodiam sufficiant; nam mul-  
titudo Angelorum ad eò numero-  
sa est, vt multis partibus excedat  
numerum rerum corporearum.  
Si enim tanta multitudo (ita Ga- *In 2. sens.*  
briel ratiocinatur) creaturarū cor- *tent.*  
poralium requiritur, vt distantiam  
impleat, quæ inter vilissimam crea-  
turam & hominè, omniū corpora-  
lium

lium creaturarum nobilissimum, interiacet; quanto numero opus erit vt repleatur interuallum, quod porrigitur ab infimo Angelo vsque ad ipsum Deum? Vnde concludit S. Bernardinus Senensis, Angelos numero superare stellas cæli, arenam maris, puluerē terræ, & quidquid corporeum hoc vniuersum complectitur.

*S. Bern.  
tom 4.  
serm, 49.*

*S. Thom.  
1 p q. 50.  
art 3.  
Vide Clauium in  
Sphæra*

S. THOMAS colligit multitudinem Angelorum ex proportione corporum superiorum. Atque ita sicut in corporibus, inquit, videmus, quanto vnum altero superius est, tanto, & quasi incomparabiliter maius esse, id quod in igne liquet qui aëre superior ideoq; maior est, & secundum aliquos quidem, quod difficulter tamen crediderim, decuplo: hoc enim colligi posse putant ex Aristotele, vbi affirmat ex vna parte aquæ confici decem partes aëris: nec nō in cælo Lunæ quod amplius est sphæra ignis; cælo Mercurij, quod orbē Lunæ intra se continet; sicque deinceps vsque ad vltimum

CYSTODE. CAP. III. 27

mum cælum, quod quanto cæteris  
 eminent tantò eorum vastitatem ex-  
 cedit. Ita proportionaliter sentien-  
 dum de creaturis spiritualibus: cum  
 altitudo loci in corporibus assimi-  
 letur sublimitati essentia in spiriti-  
 bus, & excessiui molis corporea re-  
 spondeat magnitudo numeri. Hinc  
 infertur, cum Angeli animabus no-  
 stris quoad gradum superiores sint,  
 vel illos tantum, qui in infimo or-  
 dine collocati sunt, plures esse nu-  
 mero omnib. animabus totius mû-  
 di, quotquot ab exordio illius vsq;  
 ad finem extiterint; Archangelos  
 consequenter numerosiores Ange-  
 lis, & sic deinceps. Id quod insinua-  
 re videtur scriptura, quæ de multi-  
 tudine cælestium spirituû loquens,  
*Millia milliû, inquit, ministrabãt ei, Dan. 7.*  
*& decies centena millia assistebant ei,*  
 qui numerus determinatus cõple-  
 ctitur, sententia Doctorum, multi-  
 tudinem cælestium spirituum quo-  
 dammodo infinitam. Confirmatur  
 autem, quod docui, à quibusdã per  
 reuelationem, quæ fauore Deiparæ  
 Virgi-

Virginis Sanctæ Brigidæ facta legitur : hæc namque numerum Angelorum decuplo maiorem esse numero omnium hominum, constantissime affirmat subiectis verbis: *Si computarentur omnes homines qui nati sunt ab Adam, vsque ad nouissimum, qui nasciturus est in fine mundi, plus quam decem Angeli inuenirentur pro vnoquoque homine.* Nec sanè autoritas huius Sanctæ repudiari potest ; Quia Bonifacius Papa Nonus in Bulla Canonizationis ipsius pro certo affirmat, beatissimam hanc mulierem plurima spiritu Prophetico prænuntiasse. Conformiter hucusque dictis asseruerunt alij, cuilibet Angelo respondere decem Archangelos, & sic deinceps: quibus adijci possunt, quæ scribuntur à Beato Hilario, Cyrillo, & alijs, Angelos scilicet nonaginta nouem partibus superare homines: Ouis vna, inquit Hilarius in explanatione Parabolæ, de oue perdita : homo intelligendus est, & sub homine vno vniuersitas

*Lib. 4.  
Reuel.  
6. 11. in fine.*

*Hilar. 8.  
13. in Mat.  
Cyrill.  
Catech.  
15.*

CVSTODE. CAP. III. 23

tas sentienda est, sed in huius Adæ errore omne humanum genus aberravit, ergo nonaginta nouem non errantes, multitudo Angelorum celestium opinanda est, quibus in cælo est lætitia, & cura salutis humanæ.

Hinc deducunt Doctores, sanctus Thomas, Antoninus, & alij, vnum Angelum non præfidere pluribus hominibus successiuè, sed diuersis hominibus custodes quoque assignari diuersos. Et facillè æstimari potest, quanta sit cura ac vigilantia, qua singuli Angeli singulos homines sibi cõmendatos custodiunt. Tamen si eam erga nos exercet benignitatem amantissimus Deus, vt submittat aliquando maximè pro defensione Iustorum complures Angelos, vt fecisse legitur Patriarchæ Iacob, Prophetæ Elisæo, alijsque quod infra declaraturus sum capite 17.

*S. Thom.*  
1 p. q. 113.  
a. 2.  
*Antonin.*  
3 p. tit. 31.  
c. 6 §. 4.  
*Vnus Angelus non præfides successiuè pluribus hominib.*  
*Vide Ribber. ad c. 3 Zach.*

CAP.